

Намрар тэрэ тэрлгэнд белдлгэн

Западн района „Южный“ совхозин агроном Н. И. Бондарев, намрар тэрэ тэрлгэнд белдлж йэвх белдврин кōдлмшин тускар мана корреспондентгә кесн кӯундвргән ингдж келе:

—Мана совхозин механизатормуд ахр цагин эргид бүрдәнъгъу сәәнәр тәрәгъән хурадж авад, намрар тэрэ тэрлгэнд белдвр кедж йовна. Манд 3667 гектар газрт хагългдсн пар бәәнә. Зуни цагин эргид хагълчксн газр деер өвсн ургъсн цагт хойр дакдж сөнългдв, терүнә хōбннь дакад өвсн әмләд ирхлә хойр дакдж семлгдв, аш сӯудннь хойр дакдж самнлгдв. Ода мана цуг пар мел цевр, тәрәнд саалтлгдг нег чигн өвсн үзгдхш.

Намртан 12 минъгън 500 гектар газрт тәрән тәргдхмн, тер тоод 8730 гектар газр хагългдн тәргдхмн. Ода тер хагългдх газрас 1500 гектар газрнь хагългддж одв. Намрар тэрэ тэрлгәнә зура кӯцәхин тōлә 17 минъгън 500 центнер буудән экн бел кегдв. Терүнә 12.500 центнер буудән контрольн семенной станц шиндждлж хәләгдәд, сән чин-

ринь медәдавчквдн. Ода хорта эм цацад тәрджәнәвдн.

Намрин тэрэ тәрхд кегддж йовх белдлгәнә кōдлмшлә зерглдүлдж тэрә хурадж авсн газрин ормар хойрлад 105 гектар газрт зарм тәргдв. Дакад 200 гектар газрт намрар тәргддг цагъан буудә тәргдсн бәәнә. Малин идг гидж ут-туршдан 1000 гектар газрт намрар тәрдг цагъан буудә тәргдхмн, тер тоогъас 122 гектар газрт олджилә тәрмр өвсн тәргддж одв.

Алдр Октябрин 40-ч бōнд нерәлсн социалистическ дōрлдәнд совхозин 1-ч отделенъ тӯрүн орм эзддж йовна. Эн отделенә толгъачнъ В. И. Синченко, тәрәгъән ахр цагт хурадж авад, цуг солoman скирдлчкв. 500 гектар газр хагълчксн бәәнә. Механизатормуд заагт урдк кевтән трактористир М. Булавин болн А. Маркин хойр кōдлмшин үлгур үзүлдж йовна.

Совхозин коллектив намрин тэрэ тәрхд кегдх белдврин кōдлмшән августин 25-д тōгсгддж, намрин тэрә тэрлгән ахр цагт, агротехническ сән чинртәгъәр кӯцәхәр зүткдж йовна.